



Ilinniartitaanermut, Kultureqarnermut,
Timersornermut Ilageeqarnermullu
Naalackersuisoq

ikiin@nanog.gl

Ulloq: 10-05-2023
J.nr.:01.39.01.05-00255

UPA2023/46 – inuussutissarsiutinik ilinniagaqarneq pillugu inatsimmik allanquineq pillugu apeqqutit

Upernaakkut ataatsimiinnermi Ilinniartitaanermut, Kultureqarnermut, Timersornermut Ilageeqarnermullu Naalackersuisoq uunga siunnersuummik saqqummiussivoq: Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaannik allanquineq.

Inatsisissatut siunnersuut matumani pineqartoq ataatsimiititaliamit pitsaasutut isigineqarpoq nunatsinni ilinniarsimassutsimut qaffassaataasussatut ilimanaateqarnera peqqutaalluni. Taamaattorli ataatsimiititaliamit maluginiarneqarpoq suliffiit sungiusarfiusinnaasut pisariaqartinneqarnerisa annertunerulernissaat inuussutissarsiutinik ilinniarfinni amerlanerusunik tiguisalernerup kingunerisinnaagaa tusarniaanermut akissutini arlalinni uparuarneqartoq, inuussutissarsiutinik ilinniakkamik naammassinninniaraanni ilinniartut ilinniartuutit ilinniarfinniluunniit isumaqatigiissuteqarnissaannik piumasaqaatit naammassineqarnissaat peqqutaalluni. Tamanna Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfiup tusarniaanermut akissutit pillugit akissuteqaataanni oqaaseqaateqarfigineqanngilaq

Tamanna tunngavigalugu ataatsimiititaliaq tulliuuttugut allaqqasunik apeqquteqarniarpoq:

1. Inuussutissarsiutinik ilinniarfinni ilinniartut amerlanerulerpata suliffiit sungiusarfissat pisariaqartinneqartut amerlanerulernerannik kinguneqarnissaa pillugu tusarniaanermut akissutini uparuarneqartoq pillugu Naalackersuisut qanoq isumaqarpat?
2. Inuussutissarsiutinik ilinniarfinni ilinniartut suliffinni sungiusarfissaannik amerlanerulersitsinissamut suliniutit suut iluaqutaasussaappat?
3. Inatsimmik matuminnga allanquineermi ilinniartut ilinnialertartut amerlippata suliffinnik sungiusarfissanik qulakkeerinnittussanik Naalackersuisut inuussutissarsiutinik ilinniarfinnik suleqateqarlutik suliniutinik aallartitsissappat?
 - a. Taamaassimappat, suliniutit suut aallartinneqarniarpat?
 - b. Taamaassimangippat, suna tunngavigalugu suliniutinik aallartitsinissaq tulluarsorineqanngila?

4. Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat 1. januar 2021 atuutilerpoq. Suliffiit sungiusarfissat amerlinissaat inatsisitigut siuarsavigineqarsimanersoq piffissami matumani nalilerneqarsinnaava?
5. *Ilinniartitsinermut pilersaarut II 2022-mi* ima allaqqavoq, immersugassaq elektroniskiusoq oqartussat suliffeqarfiillu immersortagassaat 2022-mi piariissasoq naatsorsuutigineqartoq. Immersugassaq elektroniskiusoq ullumikkut atorneqarsinnaalereerpa?
 - a. Taamaassimappat, suliffiit sungiusarfigineqarsinnaasut amerlassusiinut qanoq sunniuteqarnikuua?
 - b. Taamaassimangippat, qaqugu atorneqarsinnaalernissaa naatsorsuutigineqarpa?
6. Ilinniartunut inuussutissarsiornikkut tunngaviusumik ilinniakkamik suliffimmik sungiusarfissamik isumaqatigiissuteqaqqaanngikkaluarlutik aallartissinnaalernissaannut ammaassisut pillugit ilinniartitsinermut pilersaarutit akuerineqarnissaannut piumasaqaatit naammassisassallu suut Naalakkersuisunit aalajangersarniarneqarpat?

Ataatsimiititaliap piaartumik apeqqutit qulaani pineqartut allakkatigut (kalaallisut qallunaatullu) akineqarnissaat noqqaassutigaa. Ulloq 16. Maj akissutit tigusimanissaat kissaatigineqarpoq. Akissutit elektronikikkut nassiateqquneqarput ataatsimiititaliap allattaanut aihjo@ina.alla.gl aamma Inatsisartut (inatsisartut@inatsisartut.gl).

Qujareerlunga,

Kultureqarnermut, Ilinniartitaanermut, Ilisimatusarnermut Ilageeqarnermullu ataatsimiititaliaq
sinnerlugu

Inussiarnersumik inuulluaqqusillunga



Doris J. Jensen

Ataatsimiititaliami Siulittaasoq